## Beschlagnahmung der G\u00fcter und Rechte des Junkers Kaspar von Bonstetten im Amt Greifensee

## 1451 November 4. Greifensee

Regest: Der Vogt von Greifensee, Heinrich Röist, hält an der Richtstätte in Greifensee auf offener Strasse Gericht und bestätigt den Vertretern von Bürgermeister, Räten und Bürgern der Stadt Zürich, dass sie alle Güter und Rechte des Junkers Kaspar von Bonstetten im Amt Greifensee beschlagnahmen dürfen. Dazu gehören die Burg sowie alle Höfe, Weinberge, Gerichte, Twing und Bann, Zehnten, Zinsen, Äcker, Wiesen, Wälder, Weiden, Fischenzen, Gewässer, Eigenleute, Pfänder und Lehen. Bonstetten hatte sich zusammen mit anderen für eine Schuld von 5000 Gulden verpflichtet, war der dreimaligen Vorladung zum Rechtstag aber nicht nachgekommen. Der Aussteller siegelt.

Kommentar: Möglicherweise hatte sich Kaspar von Bonstetten als Inhaber der Burg und Herrschaft Uster infolge des Alten Zürichkriegs verschuldet. Als die Eidgenossen in den Jahren 1443 und 1444 brandschatzend durch das Zürcher Oberland zogen, war es Bonstetten – vermutlich mit Geldzahlungen – gelungen, sie von der Zerstörung der Burg Uster und der Schädigung seiner Eigenleute im Amt Grüningen abzuhalten (Baumeler 2010, S. 155-156).

Die Urkunde ist zerschnitten und somit entwertet; Bonstetten hat seine Schulden wohl beglichen und die Pfändung seiner Güter dadurch abgewendet. Es ist anzunehmen, dass der Zürcher Rat sehr darauf erpicht gewesen wäre, Uster in seine Herrschaft zu integrieren. Nach diesem ersten, missglückten Versuch gelang dies erst 1544 (SSRQ ZH NF II/3, Nr. 65).

Ich, Heinrich Röist, vogt in dem ampt Griffensee und richtter in diser nachgeschribner sach von des yetzgenantten amptz Griffensee wegen, tun kund aller menglichem, die disen brieff lessent, sechent oder hörent lessen, das für mich komen sind an der statt, da ich zu Griffensee an offner, fryer straß an gewonlicher richtstatt offennlich in verbannem gericht zu gricht sass, der fürsichttigen, ersamen, wisen, des burgermeisters, der råtten und der burgern gemeinlich der statt Zurich, miner gnedigen, lieben herren, volmechttig bottschafft, offenbartent vor mir ingericht durch iren fürsprechen, nach dem und die yetzgenantten min herren von Zurich des vesten junckher Caspars von Bomstetten gut, das er in dem genantten ampt Griffensee hett, es were burg, burgstal, burgsåss, hoffstetten, hoffreittinen, reben, gericht, twing, benne, zechenden, zinse, nutz, gult, höff, gütter, acker, matten, wisen, holtz, veld, wunn, weid, vischentzen, wasser, wasserrunssen, eigenlut, pfandschafften, lechenschafften, manschafften, geldschulden, halbling, ligendz, varendz, gendz, stendz, pfenning und des wertt, wie gut den namen hette und gehaben möchtte, darinne gantz nutzit ussgelassen noch vorbehept, von der schuld wegen, so er den genanten minen herren von Zürich schuldig were, ingebott und gericht genomen hettind und im gen den gebott, wie das des amptz Griffensee recht were, uff den ersten tag, den andern tag harfurgericht verkunt, und er noch niement von sinen wegen uff der selben tagen derwedern komen wer, das gebott zů verantwurtind, denn das er die verkundung, die gericht und das recht verschmacht hett, von des wegen die obgenanten min herren von<sup>a</sup> Zurich die vergangnen zwen rechttag mit urteil und

10

15

mit recht behalten hettind, nach sag der urteil brieffen inen darumb von dem gericht geben.¹ Und won uff hut der dritt und letst rechttag sye und uff dem nechstvergangnen andern rechttlichen tag bekennt were, irem obgenantten widersecher den huttigen als den dritten und letsten tag ouch ze verkundint, ob er noch antwurtten wölt, das er kem und das tätte, also begertind sy an dem rechtten ze erfarent, ob dem von Bomstetten söllich verkundung also beschechen were.

Also fand sich vor mir ingericht, das dem von Bomstetten die verkundung, wie vorstät und gericht und urteil geben hatt, beschechen was, uff das miner herren von Zurich botten aber durch iren fursprechen rettent, nach dem und sich vor gericht erfunden hette, das irem obgenanten widersecher harfur gericht verkunt were, wie das des amptz Griffensee recht ist, und er aber noch niemant von sinen wegen ingericht gegenwurttig wer, der antwurtten wölte, und das gericht und recht verschmachtte, begerttind sy an dem rechtten ze erfarent, was nun recht were. Also fragt ich urteil umb, und ward mit einhelliger urteil nach miner frag uff den eid erteilt, sidmalen dem von Bomstetten uff den ersten tag, den andern tag und uff hutt als uff den dritten und letsten tag harfurgericht verkunt wer zeantwurtend und er uff die vergangnen zwey gericht nit komen were, die verachtet hett, darumb min herren von Zurich die mit recht behept hettind, und er uff hut als den dritten und letsten rechttag aber nit hie were und darinne das gericht verachtotte und verschmachtte, das nun miner herren von Zurich botten ir clag offnen möchttind mit brieffen oder wortten, wie sy dero getruwtind zegniessind, wenn das bescheche, das denn aber fürer volgieng, das recht were.

Uff das miner herren von Zürich botten einen brieff vorgericht liessent lessen, darinne sich der genant Caspar von Bomstetten mit sampt ettlichen andern gen minen herren von Zürich umb fünff tusent guldin hobtgütz da von jerlichen zins und costen und schaden verschriben hat nach innhaltung desselben brieffs. Und als der brieff gehörtt ward, liessent miner herren von Zurich botten durch iren fürsprechen reden, von söllicher schuld wegen hettind sy dem von Bomstetten das sin, das in dem ampt Griffensee lege und were, als vorgenempt stünde, in gebott genomen, dem selben von Bomstetten uff den ersten tag, den andern tag und uff hùt als uff den dritten und den letsten tag verkunt were ze antwurtten, ob er wölte, wie das davor geschriben stät, und aber der von Bomstetten noch niement von sinen wegen hie were, der antwurtten wölte, und sunder die verkundung, die gericht und das recht von dem von Bomstetten verachtet und verschmacht were, getruwtind sy, ir herren söltind des alles so verr geniessen, das inen Caspars von Bomstetten gut, wie das vor eigenlich genempt ist, das in dem ampt Griffensee lege und were, an ir schuld, hoptgut, zins, b costen und schaden vervallen sin sölte, und das sy das an das ir zu iren handen ziechen und nemen möchtind, damit zehandeln und zewandeln als mit irem eigenlichen güt, satztend das zü recht.

Also fragt ich urteil umb und ward nach miner frag uff den eid erteilt, nach dem und die obgenantten min herren von Zurich den ersten tag und den andern tag gen dem von Bomstetten mit recht behalten hettind und dar inne gehandelt und getän, was recht were, und hut als uff den dritten und den letsten tag aber hie vorgericht werind, irs rechtten erwarttotind und irem vilgenanten widersecher der dritt und letst tag nach des amptz Griffensee recht ouch verkunt were und er die verkundung, die gericht und das recht verachtet und verschmacht hette, das min herren von Zurich des alles und irs besigelten brieffs, den sy vorgericht gezöigt hettind, so verr geniessen söltind, das sy des obgenanten Caspars von Bomstetten gut, das in dem ampt Griffensee lege und were, es syent burg, burgstal, burgsåss, hoffstetten, hoffreittine, reben, gericht, twing, benne, zechenden, zinsen, nútz, gúlt, hőff, gűtter, acker, matten, wissen, holtz, veld, wunn, weid, vischentzen, wasser, wasserrunssen, eigenlut, pfandschafften, lechenschafften, manschafften, geldschulden, halbling, ligendz, varendz, gendz, stendz, pfenning und des wertt, wie gut den namen hette und gehaben möchte, dar inne gantz nútzit ussgelassen noch vorbehept, zů iren handen an das ir nemen und ziechen, das nutzen, bruchen, niessen, besetzen und entsetzen möchten als ir eigenlich güt, wie inen das fügklich were, und ob sy min, obge- 20 nantten vogtz, notturfftig werent, das ich inen von des gerichtz und des amptz wegen zů sőllichem hilfflich sin und das gericht sy daby, so verr es mőchtte, schirmen und hanthaben sölte. Des alles begerttent der obgenanten miner herren von Zurich botten eins brieffs, der inen zegebent nach miner frag bekennt

Und des alles zů gezugnusse und warem urkund, so hab ich, obgenantter vogt, min insigel von des gerichtz wegen, als urteil gab, offennlich gehenckt an disen brieff, doch dem ampt Griffensee an aller siner fryheitt, rechtten und altem herkomen, ouch mir und minen erben unschedlich, der geben ist uff donrstag nach aller heiligen tag nach der geburt Cristi viertzechenhundert funfftzig und ein jare.

[Vermerk auf der Rückseite von Hand des 16. Jh.:] Gantbrief<sup>c</sup> umb des von Bonstetten gůt im ambt Gryfennsee, 1451

**Original:** StAZH C I, Nr. 775; Pergament, 55.0 × 20.5 cm, Entwertungsschnitte; 1 Siegel: Heinrich Röist, Wachs, rund, angehängt an Pergamentstreifen, gut erhalten.

Regest: URStAZH, Bd. 7, Nr. 9691.

- a Korrigiert aus: von von.
- b Hinzufügung oberhalb der Zeile.
- c Unsichere Lesung.
- Die hier erwähnte Urkunde ist nur als Entwurf vom 27. Oktober 1451 erhalten (StAZH A 123.1, 40 Nr. 4).

35